

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquut:

- 1. Suliffeqarfiit akileraarutitigut akiligassaat kinguartitaat ataatsimut katillugit kr.-inngorlugit qanoq amerlatigippat?**
- 2. Apeqquut siullermi nunami imaanilu suliffeqarfiit akileraarutitigut akiligassaat kinguartitat qanoq agguarsimappat?**
- 3. Apeqquutini siuliini akileraarutitigut akiligassat kinguartitat piaarnerusumik akilerneqarsinnaanerit qanoq periarfissaqartinneqarpit?**
- 4. Naalakkersuisut qanoq iliuuseqarsinnaappat akileraarutitigut akiligassat kinguartitat piaarnerusumik akilerneqarsinnaanerit anguniarlugu, imaluunniit akiligassat kinguartitat minnerpaaffissaanniitsinniarlugit?**

(Inatsisartuni ilaasortaq Anthon Frederiksen, Partii Naleraq)

Tunnngavilersuut:

Akileraarutitigut inatsit tunnngavilugut akileraarutitigut akiligassat kinguartinneqarsinnaanerit periarfissaavoq aamma periarfissaq taamaattoq soorunami ajunngilaq, kisianni aamma nalunngilarput nunarput aningaasanik atorfissaqartitsillunilu pisariaqartitsivoq, taamaattumik akileraarutitigut kinguartitat ilaasaluunniit piaarnerusumik akilersorneqarsinnaanerit paasilluassallugu assut pingaartippara.

Apeqquutit ullut suliffiit qulit (10) qaangiutsinnagit akineqarnissaat kissaatigaara.